



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-I/25-2-40-113-2/21**
Datum: **22.03.2021. god**

«Agencija za vodno područje rijeke Save» Sarajevo rješavajući po zahtjevu pravnog lica «SISECAM SODA» d.o.o. Lukavac za izdavanje vodne saglasnosti za ispuštanje oborinskih onečišćenih voda sa lokacije objekata za pretakanje i skladištenje dizel goriva, planiranih za izgradnju u sklopu izgrađenog kompleksa Fabrike Sode Lukavac, na osnovu člana 109. stav 1. Zakona o vodama («Službene novine Federacije BiH», broj 70/06) i člana 200. stav 1. Zakona o upravnom postupku («Službene novine Federacije BiH», broj 2/98 i 48/99), donosi

R J E Š E N J E **o vodnoj saglasnosti**

1. Daje se vodna saglasnost pravnom licu «SISECAM SODA» d.o.o. Lukavac za ispuštanje oborinskih onečišćenih voda sa lokacije objekata za pretakanje i skladištenje dizel goriva, ukupnog kapaciteta 160 m³ (2x80 m³), planiranih za izgradnju u sklopu izgrađenog kompleksa Fabrike Sode Lukavac, u skladu sa projektnom dokumentacijom:
 - Glavni projekat sakupljanja, tretmana i ispuštanja otpadnih voda skladišta za pretakanje i skladištenje dizela, urađen od strane „TQM“ d.o.o Lukavac, april 2020. godine.Ova vodna saglasnost može se koristiti isključivo u postupku pribavljanja odobrenja za građenje u skladu sa Zakonom o građenju.
2. Projektna dokumentacija navedena u tački 1. ovog Rješenja, ovjerena je u skladu sa odredbama člana 114. stav (3) Zakona o vodama i ista je sastavni dio ovog rješenja.
3. Ova vodna saglasnost ne oslobađa podnosioca zahtjeva obaveze pribavljanja saglasnosti i dozvola od strane drugih nadležnih organa, a sve u skladu sa važećim zakonskim propisima, uredbama i dr.
4. Vodna saglasnost se donosi na osnovu utvrđenog činjeničnog stanja i pregleda dostavljene projektne dokumentacije iz tačke 1. dispozitiva i čini sastavni dio ovog Rješenja, a ista se, ovjerena od strane ove Agencije, vraća podnosiocu zahtjeva na trajno čuvanje. Vodna saglasnost se donosi na temelju utvrđenog činjeničnog stanja, kako slijedi, prema uslovima iz Rješenja o navedenoj prethodnoj vodnoj saglasnosti:
 - 4.1. Radove na izgradnji sistema za prikupljanje, tretman i ispuštanje otpadnih voda, kao i rezervoara za skladištenje naftnih derivata, izvesti u skladu sa projektnom dokumentacijom iz tačke 1. dispozitiva ovog Rješenja.
 - 4.2. Ugradnju dvoplašnog rezervoara za skladištenje nafte i naftnih derivata zapremine 160 m³ izvršiti u skladu sa uputstvima proizvođača i važećim propisima za tu vrstu radova.
 - 4.3. Nakon izvođenja radova na ugradnji nadzemnih rezervoara u postojećoj tankvani za skladištenje nafte i naftnih derivata izvršiti ispitivanje kvaliteta izvedenih radova na bezbjednost od curenja, a u cilju zaštite površinskih i podzemnih voda.
 - 4.4. Nakon izvođenja radova sistema za prikupljanje i tretman oborinskih onečišćenih voda na lokaciji objekata za pretakanje i skladištenje dizel goriva na odvodnom cjevovodu iste priključiti na postojeći sistem oborinskih voda.
 - 4.5. U toku radova iskopani materijal se ne smije ni privremeno odlagati na česticu „vodno dobro“, odnosno u vodotoke i na njegove obale.
 - 4.6. U toku izvođenja radova, neophodno je poduzeti sve potrebne mjere zaštite, da predmetnim aktivnostima ne dođe do nastanka štete ili nepovoljnih posljedica po vode i vodni režim, kao i postojeće korisnike voda.
 - 4.7. Podnosilac zahtjeva je obavezan ispoštovati uslove iz Rješenja o urbanističkoj saglasnosti donesenog od strane Federalnog ministarstva prostornog uređenja, broj: UPI/03-23-2-365/19 od 07.01.2021. godine.
5. Ukoliko izgradnjom predmetnog objekta dođe do promjene režima površinskih ili podzemnih voda, a ta promjena prouzrokuje štete ma kakvog karaktera, Investitor je obavezan uzroke štete otkloniti, a procjenjenu štetu nadoknaditi.
6. Po završetku izgradnje predmetnih objekata i obavljenog tehničkog pregleda izvedenih radova, korisnik vodne saglasnosti dužan je podnijeti zahtjev za izdavanje vodne dozvole za ispuštanje oborinskih onečišćenih voda u prirodni recipijent sa lokacije objekata za pretakanje i skladištenje dizel

- goriva. Zahtjev se dostavlja u skladu sa članom 12. i 19. Pravilnika o sadržaju, obliku, uslovima, načinu izdavanja i čuvanja vodnih akata („Sl.novine FBiH“ broj: 31/15, 55/19 i 41/20).
7. Korisnik ove vodne saglasnosti nema pravo na naknadu eventualnih šteta prouzrokovanih plavljenjem i iste padaju na njegov teret.
 8. Ovo rješenje o vodnoj saglasnosti se može izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
 9. Ova vodna saglasnost prestaje važiti istekom roka od dvije godine od dana izdavanja iste, ukoliko u tom periodu ne bude pribavljeno odobrenje za građenje i započeti radovi.

O b r a z l o ž e n j e

Pravno lice «SISECAM SODA» d.o.o. Lukavac se pismenim putem obratilo ovoj Agenciji sa zahtjevom za donošenje rješenja o vodnoj saglasnosti za ispuštanje oborinskih onečišćenih voda sa lokacije objekata za pretakanje i skladištenje dizel goriva, ukupnog kapaciteta 160 m³ (2x80 m³), planiranih za izgradnju u sklopu izgrađenog kompleksa Fabrike Sode Lukavac, a u postupku pribavljanja odobrenja za gradnju.

U prilogu zahtjeva podnosilac je dostavio slijedeću dokumentaciju:

- Aktuelni izvod iz sudskog registra, matični broj subjekta upisa 1-13849 od 09.11.2021. godine izdata od Općinskog suda u Tuzli;
- Uvjerenje o poreznoj registraciji izdato od strane Kantonalni porezni ured Tuzla od 06.02.2013. godine- kopija,
- Ovjerena kopija uvjerenja o poreskoj registraciji, broj: 04/1-UPP/1-9077/07 od 01.08.2013. godine, izdato od strane Uprave za indirektno- oporezivanje Banja Luka;
- Obavještenje o razvrstavanju pravnog lica prema kvalifikaciji djelatnosti broj: 07-32.5-51479/13 od 06.02.2013 godine izdato od strane Službe za statistiku za područje Tuzlanskog kantona;
- Dokaz o uplaćenju administrativnoj taksi i upravnoj pristojbi
- Ovjerena kopija Uvjerenja o poreznoj registraciji poreznog obaveznika donesenog od strane Porezne uprave – Kantonalni ured Tuzla, 29.10.2020. godine;
- Ovjerena kopija Uvjerenja o registraciji/upisu u Jedinstveni registar obveznika indirektnih poreza, broj: 04/1-17-1-UPJR/1-6049-2/20 dana 12.11.2020. godine donesenog od Uprave za indirektno-neizravno oporezivanje Banja Luka;
- Kopija Rješenja o urbanističkoj saglasnosti donesenog od strane Federalnog ministarstva prostornog uređenja broj: UPI/03-23-2-365/19 od 07.01.2021 godine;
- Kopija Rješenja o okolinskoj dozvoli broj: UP-I 05/2-02-19-5-17/20 od 23.11.2020 godine, donesenog od Federalnog ministarstva okoliša i turizma;
- Kopija Rješenja o prethodnoj vodnoj saglasnosti donesenog od strane Agencije za vodno područje rijeke Save Sarajevo, broj: UP-I/25-1-40-546-3/19 dana 05.11.2021. godine;

B. Tehnička dokumentacija

- Glavni projekat sakupljanja, tretmana i ispuštanja otpadnih voda skladišta za pretakanje i skladištenje dizela, urađen od strane „TQM“ d.o.o Lukavac, april 2020. godine.

Nakon uvida u dostavljenu projektnu dokumentaciju utvrđeno je:

Provođenje aktivnosti na izgradnji predmetnog objekta usklađeno je sa planskim dokumentima (izdato Rješenje o urbanističkoj saglasnosti) i nije u koliziji sa interesima sektora voda, niti u prostoru zona sanitarne zaštite izvorišta vode za piće.

Objekti za pretakanje i skladištenje dizel goriva, ukupnog kapaciteta 160 m³ (2x80 m³), planirani su u sklopu izgrađenog kompleksa Fabrike Sode Lukavac, uz postojeći rezervoar mazuta.

Navedena aktivnost se planira sa ciljem da zamijeni postojeći sistem sa mazutom kojim se napajaju kotlovi 2, 6, i 7, kao i sistem sa dizel gorivom kojim se napaja kotao broj 8.

Oborinske onečišćene vode koje nastaju u vrijeme padavina ili pranja asfaltnih površina, manipulativnih površina i platoa za pretakanje goriva će se prikupljati putem slivnika i odvesti do separatora sa koalescentnim filterom, te preko okna za monitoring ispuštati u postojeći mješoviti kanalizacioni kolektor.

Za skladištenje nafte i naftnih derivata izvršit će se ugradnja dva nadzemna rezervoara ukupne zapremine 160 m³ (2x80 m³) u postojećoj tankvani.

Projektna dokumentacija, dostavljena uz zahtjev, urađena je od strane pravnog lica „TQM“ d.o.o Lukavac, april 2020. godine, koje ima Ovlaštenje izdato od strane Federalnog ministarstva poljoprivrede, vodoprivrede i šumarstva (sa liste „A“).

Projektna dokumentacija urađena je u skladu sa uslovima iz Rješenja o prethodnoj vodnoj saglasnosti donesenog od strane Agencije za vodno područje rijeke Save, broj: UP-I/25-1-40-546-3/19 dana 05.11.2021. godine, te je shodno članu 114. Zakona o vodama te je upisivanjem broja i stavljanjem otiska pečata ove Agencije na projektnu dokumentaciju iz tačke 1. dispozitiva ovog Rješenja, data je vodna saglasnost na isti.

Na osnovu utvrđenog činjeničnog stanja, a u cilju smanjenja negativnih uticaja predmetne gradnje na stanje voda i vodni režim, podnosiocu zahtjeva su ovom vodnom saglasnosti, u dispozitivu ovog Rješenja, propisani uslovi u skladu sa odredbama Zakona o vodama i Pravilnika o sadržaju, obliku, uvjetima načinu izdavanja i čuvanja vodnih akata („Sl.novine FBiH“ broj: 31/15, 55/19 i 41/20), koje je potrebno ispuniti prilikom izvođenja predmetnih radova.

Podnosilac zahtjeva je uplatio upravnu taksu u iznosu 60, 00 KM u skladu sa članom 7. stav 1. Tarifni broj 43. Zakona o federalnim upravnim taksama („Sl.novine FBiH“ broj: 6/98, 9/08, 45/10 i 43/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Voditelj postupka:

Ahmedić Behija dipl.inž.tehn



Po ovlaštenju

Rukovodilac sektora za izdavanje vodnih akata

Haris Ališehović, dipl.inž.građ

Dostaviti:

- «SISECAM SODA LUKAVAC» d.o.o. Lukavac, Prva ulica br.1, Lukavac (Prilog-Ovjerena Tehnička dokumentacija navedena pod tačkom B obrazloženja Rješenja)
- AVP Sava, ISV-vodna knjiga
- Sektor 40 – arhiva
- Oglasna ploča – AVP Sava